



[Utama](#)
[Info UMK](#)
[Pra-Siswazah](#)
[Pascasiswazah](#)
[Fakulti /Pusat](#)

[Fakulti Keusahawanan & Perniagaan](#)
[Fakulti Teknologi Kreatif & Warisan](#)
[Fakulti Perubatan Veterinar](#)
[Fakulti Industri Asas Tani](#)
[Fakulti Sains Bumi](#)
[Pusat Bahasa dan Pembangunan Insaniah](#)
[Pusat Pengajian Siswazah](#)

[Kampus](#)

[Utama](#) ▶ [Berita Terkini](#) ▶ [Elemen keusahawanan tarikan utama UMK](#)

Laman Facebook UMK
[Laman Web HEPA](#)
 Pelajar

Elemen keusahawanan tarikan utama UMK



RUANG dan peluang melahirkan graduan bercirikan keusahawanan yang ditawarkan oleh Universiti Malaysia Kelantan (UMK) antara faktor tarikan utama sebahagian pelajar-pelajar baharu yang mendaftar untuk kemasukan sesi akademik 2012/2013.

Pada sesi pengajian kali ini, UMK menawarkan sebanyak 2,300 tempat kepada pemohon lepasan Sijil Tinggi Pelajaran Malaysia dan setaraf untuk mengikuti 17 program pengajian peringkat Ijazah Sarjana Muda pada sesi tersebut.

Sebahagian pelajar yang mendaftar pada hari ini teruja dengan pelbagai program yang ditawarkan di lima fakulti iaitu Fakulti Industri Asas Tani, Fakulti Sains Bumi, Fakulti Keusahawanan dan Perniagaan, Fakulti Teknologi Kreatif dan Warisan dan Fakulti Perubatan Veterinar.



Seorang pelajar Fakulti Teknologi Kreatif dan Warisan (FTWK), Mohamad Zulhelmi bin Mohd Yusof, 20, berkata, dia amat bertuah kerana terpilih untuk menjadi salah seorang pelajar yang dapat melanjutkan pelajaran di UMK walaupun lokasi kedudukannya agak jauh.

"Namun, bagi saya lokasi sesebuah universiti tidak menjadi halangan untuk kita cemerlang setanding dengan institusi pengajian tinggi lain kerana itu bukan faktor utama. Walaupun UMK masih baharu tetapi kemudahan dan infrastruktur yang disediakan cukup lengkap," katanya.

Menurut Mohd Zulhelmi, UMK sama seperti universiti lain yang mengutamakan kecemerlangan akademik, pembentukan personaliti dan menariknya ialah elemen-elemen keusahawanan yang diterapkan kepada pelajar pada semua program pengajian.

Sementara itu, bagi Chan Siew Fun, 20, pelajar Fakulti Keusahawanan dan Perniagaan (FKP) memberitahu, beliau amat seronok melihat suasana kampus yang cantik dan ceria walaupun kali pertama menjelaki kaki UMK.

Jelasnya, persekitaran kampus yang baharu dan kemudahan bilik penginapan yang selesa, kemudahan wifi, makmal komputer, surau, kafeteria dan sebagainya dapat memberi keselesaan kepada pelajar untuk belajar.

"Selain itu, program pengajian yang ditawarkan juga menarik perhatian saya kerana pihak universiti begitu menitikberatkan aspek keusahawanan yang menjadi teras kepada UMK," katanya.

Manakala, bagi Baderinajjah binti Hamzah, 20, turut gembira dan teruja sebaik sahaja mendapat surat tawaran melanjutkan pengajian di UMK untuk mengikuti program pengajian Ijazah Sarjana Muda dengan Kepujian di Fakulti Keusahawanan dan Perniagaan.

"Saya gembira kerana UMK antara universiti yang menjadi pilihan untuk meneruskan pengajian di menara gading. Walaupun saya anak petani, itu tidak menjadi halangan bagi saya untuk menjadi pelajar yang cemerlang."

"Pada saya, keluarga menaruh harapan tinggi kepada saya untuk mengubah kehidupan kami sekeluarga dan insyallah dengan program pengajian yang ditawarkan di sini dapat memberi pelbagai pengalaman serta ilmu kepada semua pelajar," ujarnya.

Sementara itu, bagi Chong Yeng Song, 52, tiada apa yang lebih menggembirakan bagi keluarga pelajar yang mendaftar di UMK pada hari ini kerana merasa gembira dapat melihat sendiri kampus UMK yang dilengkapai pelbagai kemudahan.

Jelas beliau, kelengkapan beberapa peralatan baharu yang pada bilik asrama dapat memberi keselesaan kepada anaknya dan pelajar lain untuk belajar dengan selesa.

"Kami sekeluarga datang dari Raub, Pahang, sengaja datang ke UMK untuk memastikan kemudahan infrastruktur yang disediakan dapat memberi keselesaan kepada anak saya, katanya. Manakala bagi Rajendran al/ Richathoo, kemudahan yang terdapat di UMK cukup baik dan kami sekeluarga berasa gembira dengan suasana ini."

"Selain itu, UMK juga merupakan institut pengajian tinggi yang memberi peluang kepada pelajar untuk menjadi usahawan dan program pengajian yang ditawarkan juga banyak menerapkan ciri-ciri keusahawanan."

"Perkara ini sangat bagus kerana pelajar berpeluang bermula dan menjadi usahawan," katanya.



Bilangan Pelawat :
297670



Hakcipta © 2012 Portal Rasmi Universiti Malaysia Kelantan.
 Paparan Terbaik Mozilla/Firefox/IE/Safari/Camino/Opera Friendly
 Universiti Malaysia Kelantan, Karung Berkunci 36, 16100 Pengkalan Chepa, Kota Bharu, Kelantan
 Tel : +609 - 7717000
 Fax : +609 - 7717022
 Email : webmaster@umk.edu.my
 Tarikh Kemaskini: 05/11/2012, 00:33:29.